

MuuKanta uápisin

– raavâkirje aalmugjesânân

Kanta



MuuKanta-palvâlusâst tun uáináh jieijâd tiäđuïd

MuuKanta lii aalmugjesânáïd târguttum vâldikodálâš netti-palvâlus, mast tun uáináh tiervâsvuodâtiäđuïdâd já kuulood meiddei sosiaalpalvâlusâi äššigâstiäđuïd. Tun uáináh MuuKanta-palvâlusâst taid tiäđuïd, moh tust láá vyerkkejum Kanta-palvâluššáïd ađai Kaantan.

Tiäđuuh vyerkkejuvvojeh Kanta-palvâlusân, ko tun ášástâlah tiervâsvuodâhuolâttâsâst apteekist teikkâ sosiaalpalvâlusâin. Sosiaal- já tiervâsvuodâhuolâttâs áámmátulmuuh čäalih tust pajas tiäđuïd, ko tun iälâh ovdâmerkkân tuáhtárist teikkâ hoittááh tuu aašijd sosiaalpalvâlusâin tuu jieijâd pargein.

Tun puávtáh ášástállâđ MuuKanta-palvâlusâst meiddei tuu aldaulmuu teikkâ párnáá peeleeest.

MuuKanta-palvâlusâst tun puávtáh

- luuhâđ čälimijd, moh lahtâseh tuu tiipšon
- táttuđ reeseept uđâdem
- târhistiđ laboratorio- já röntgentutkâmušâi puátusijd
- uáiniđ sosiaalpalvâlusâi tiäđuïd, moh puátih palvâlusân.
- vuorkkiđ jieijâd tipšomtáátu já orgaanluovâtemtáátu
- vaiguttiđ jieijâd tiäđuï kiävtun sosiaal- já tiervâsvuodâhuolâttâsâst.


MuuKanta-palvâlusân siisâ čáládâttâm

Tun puávtáh kevttiđ MuuKanta-palvâlus, jis tust lii syemmilâš persovntubdâldâh sehe miinii čuávuvâš tubdâttâttâmniävuin:

- nettipaŋkkitubdâlduvah
- mobiilvisásmittem
- persovnkorttâ, mast lii čiegâ

Návt tun čáládâđah siisâ MuuKanta-palvâlusân

1. Čääli laađđâm čujottâsraddalâsân **kanta.fi**
2. Valjii kanta.fi-siijđost teddilempuálu **Čáládât siisâ MuuKanta-palvâlusân**
3. Tun stivrejuvoo **Suomi.fi-palvâlusân**, mii lii almoshaldâttuv noonâ elektronlâš tubdâtemvyehi. Tääł tun puávtáh valjiđ tuu halijdem tubdâttâttâmvyevi, tego nettipaŋkkitubdâlduvâid teikkâ mobiilvisásmittem.
4. Täärhist tiäđuđid já teddil **Juáđhi palvâlusân**, te tun sirdâšuuu MuuKanta-palvâlusân.
5. Čáládât olgos MuuKanta-palvâlusâst, ko jooskah ton kevttim. Siho loopâst laađđâmhistorjá.



Návt tiätu jotá Kanta-palvâlusâst

Sosiaal- já tiervâsvuodâhuolâttâs áámmátolmooš kirjeet já kiäččá tiäduid jieijâs tiätuvuáhâduvvâst. Tobbeen tiäduid vyerkkejeh Kanta-palvâlusân tagarin, ko áámmátolmooš taid čáálá pajas. Jyehi aalmugjeessân puáhtá keččâđ já haldâšiđ jieijâs tiäduid MuuKanta-palvâlusâst.



Jis MuuKanta-palvâlusâst uáinimnáál leijee tiäđuin lii feilâ

Jis tun huámmášah, ete tuu tiäđuin láá feeilah teikkâ vááijuvvuodah, te vääldi ohtâvuodâ njuolgâ sosiaal- já tiervâsvuodâhuolâttâsân. Jis ovdâmerkkân tun lah iállám tiervâsvuodâkuávdáást, tiäduid kalga tivvood tobbeen. Jis tun lah iállám priivaat tuáhtársajattuvâst, vääldi ohtâvuodâ njuolgâ toho.

Tun puávtáh vaiguttiđ tuu tiäđui kevttimân

Kanta-palvâlusân vyerkkejum tiäđuh kiedâvuššojeh torvolávt. Tuu tiäđuid pyehtih keččâđ já kevttiđ tuše toh tiervâsvuodâhuolâttâs teikkâ sosiaalhuolâttâs áámmátulmuuh, kiäh tipšoh tuu aašijd. Tiäđuh kiävttojeh talle, ko toh láá taarbâšliih tuu tipšo já ášástállâm keežild.

Tuu tipšoo áámmátolmooš puáhtá keččâđ Kanta-palvâlus peht meiddei tiäđuid, moh tust láá čallum pajas eres tiervâsvuodâhuolâttâs organisaatioin, tego nube pyereeestvaijeemkuávlust teikkâ priivaat tuáhtársajattuvâst. Ko tiäđuh joteh áámmátulmust nuubán, te tun uážuh šievšlaajâg tipšo ijge ovdâmerkkân tutkâmušâid taarbâš toohâđ mangii.

Tun puávtáh jieš vaiguttiđ toos, mon vijđáht áámmátulmuuh pyehtih kevttiđ tuu tiäđuid. MuuKanta-palvâlusâst tun puávtáh adeliđ love jieijâd tiäđui luovâtem várás teikkâ kieldiđ tom. Tun puávtáh ovdâmerkkân kieldiđ monnii tiädu sosiaal- já tiervâsvuodâhuolâttâsâst eellim tiäđui luovâtem.

Luovâtemluuvijn tun muštâlah tuu táátu já suovah jieijâd tiäđui luovâtem tuu tipšoo uásipeelij kooskâst. Návt tuu tiäđuh joteh ovdâmerkkân almolâš já priivaat tiervâsvuodâhuolâttâs teikkâ kyevti sierâ pyereeestvaijeemkuávlus kooskâst, ko ášástâlah sierâ tipšopaaihiijn.

Párnáá peeleešt ášástállâm MuuKanta-palvâlusâst

Huolâtteijee puáhtá ášástállâđ MuuKanta-palvâlusâst vyeliahasâš párnád peeleešt. MuuKanta älkkeedit párnáá aašij tipšom.

Tipšoo áámmátolmooš árvuštâl, puáhtá-uv vyeliahasâš meridiđ jieijâš tipšoošt. Nuorâ, kote puáhtá jo jieš meridiđ, uázžu valjiđ, uáinojeh-uv suu tiäđuđ huolâtteijei MuuKanta-palvâlusâst. Jis nuorâ ij pyevti jieš meridiđ suu tipšoošt ohtuu, te meid huolâtteijee uáiná nuorâ tiäđuđ, tego tuáhtár čälimijđ já meridum reseptijđ.



MuuKanta-palvâlusâst tun puávtáh ášástállâđ párnáá peeleešt.

Nube olesulmuu peeleešt ášástállâm MuuKanta-palvâlusâst

Aldaolmooš puáhtá ášástállâđ MuuKanta-palvâlusâst nube olesulmuu peeleešt, jis sust lii toos Suomi.fi-váldásmitem. Váldásmitem puáhtá uázžuđ ulmust, kote ij keevti nettipalvâlusâid teikkâ sust iä lah nettipanjkitubdâlduvah. MuuKanta-palvâlusâst ášástállâm várás taarbâšlâš váldásmitmeh láá

- Tiervâsvuođâhuolâttâs aašij tipšom
- Sosiaalhuolâttâs aašij tipšom.

Nube peeleešt puáhtá ovdâmerkkân

- táttuđ uđâdiđ reeseept
- keččâđ laboratoriotutkâmušâi puátusijđ
- luuhâđ tiäđuid tiervâsvuođâhuolâttâsâst elimist
- keččâđ sosiaalpalvâlusâi tiäđuid



MuuKanta-palvâlusâst tun puávtađ ášástállâđ nube olesulmuu peeleešt

Kost mun finniim lasetiäđu?

- čujottäsâst **kanta.fi**
- sosiaal- já tiervâsvuodâhuolättäs áámmátulmuin já apteekijn.

Savâstâl miiguin sosiallâš mediast



Facebook: **@Kantapalvelut**



Viestâpalvâlus X: **@Kantapalvelut**



LinkedIn: **@Kantapalvelut**

Kela paijeentuálá Kanta-palvâlusâid. Kela oovded Kanta-palvâlusâid Tiervâsvuodâ já pyereeestvaijeem lájádâssáin já sosiaal- já tiervâsvuodâministeriöin.

MuuKanta-palvâlus lii uási vâldikodáliijn Kanta-palvâlusâin já aalmugjesânij uáinus sosiaal- já tiervâsvuodâhuolättäs tiäđoid.